

Ub  
1229

Xc. 131.







2

REGII  
 IN  
 ACADEMIA AD ALBIM  
 MVSEI  
 ANATOMICI  
 AVGVSTEI  
 CATALOGI  
 APPENDIX

---

CONTINENS  
 ACCESSIONES NOVAS  
 PRAEPARATORVM ANATOMICORVM  
 SICCORVM

ET  
 IN LIQVORE CONSERVATORVM

ITEMQVE  
 VARIORVM MONSTRORVM, SCELETORVM  
 ALIORVMQVE SINGVLARIVM

QVIBVS. POST EDITVM CATALOGVM  
 DICTVM MVSEVM

AVCTVM EST  
 CVRA ET OPERA

**D. ABRAHAMI VATERI**

FACVLT. MED. IN ACAD. VITEMB. SENIORIS ET PROF. PRIMAR.  
 REGII MVSEI PRAEFECTI.

---

VITEMBERGAE  
 PROSTAT IN OFFICINA HENNINGIANA.

LITERIS SCHEFFLERIANIS.



REGII  
IN  
ACADEMIA AD NARBONNENSEM  
MUSEI  
ANATOMICI  
AVGVSTI  
CATALOGI  
APPENDIX

CONTINENS  
ACCESSIONES NOVAS  
PREPARATORVM ANATOMICORVM  
SICCVLVM  
ET  
IN FLOVOTE CONSERVATORVM  
VARIORVM MORTVORVM SECTIVORVM  
ALIQVOTVS SINGVLARIVM  
QVIBVS POST EIVSDEM CATALOGVM  
DICTVM INVENIVM



D. ABRAHAM VATERI  
PAGET. MED. IN ACAD. VITVM. LENOIS ET PROV. PRINCE.  
REGII NARBONNENSI PRÆCEPT.

PROVINCIA IN OFFICINA HENNINGIANÆ  
LITÆRIE SCHEFFERIANÆ



## PROOEMIUM.

**H**abes hic, LECTOR BENEVOLE, Regii in Academia nostra Musei Anatomici Augustei, Catalogi Appendicem, qua recensentur accessiones novae, quibus Museum, post editum Catalogum, cura & opera mea auctum est. Omnes, quotquot Regii huius Theatri perlustrandi gratia ad nos affluerunt exteri peregrinantes, admirati sunt lautam & magnificam supellectilem, qua Regia Munificentia Academiam nostram ditavit & exornavit, quaque ista prae aliis superbit. Huic apparatusi haud parum splen-

splendoris, ut spero, additum est, accessionibus istis nouis, tum ob numeri rerum singularium incrementum, tum ob earum conditionem, siquidem inter ea talia sunt, de quibus sine iactantia affirmare possum, quod ob raritatem uix sui similia sint habitura. Prouoco nunc, ut reliqua taceam, ad unicum exemplum, illudque primo loco in his paginis descriptum, nempe partum humanum monstruosum, qui, nemine contradicente, talis aestimabitur. Harum igitur Accessionum enarrationem ulterius differre nolui, partim ut diligentiae, in amplificando Museo adhibita, Maecenatibus rationem redderem, partim ut Eorum desiderio satisfacerem, qui in perlustrando hoc apparatu, id maxime desiderarunt, multa in eo esse, quae in Catalogo non sint descripta, quapropter lectione huius, eorum, quae olim uiderunt, memoriam renouare nequeant. Haec sunt, quae Prooemii loco huic Appendici praemittere uolui. Vale, LECTOR BENEVOLE. Dabam e Museo Wittembergae d. IV. Octobr. A. R. S. MDCC XLVI.

IN



IN  
LIQVORE CONSERVATA.

I. **P**artus monstrosus, a femina, conspectu hominis decollati, tempore grauiditatis perterrita, editus.

*Nota.* Foetus hic, si ita nominare licet, fere maturus, & quoad artus inferiores & nates exterius perfectus uideretur, sed interius ossibus destitutus, unde crura incuruata & undique flexilia. Truncus corporis nullus; adest, nec caput nec brachia monstrat, sed eius loco sacculus musculosus crassius, pugni magnitudine, cultri ope apertus, intus uacuus, & omnibus uisceribus destitutus, apparet. In huius inferiori tamen regione conspicitur spinæ dorsæ pars inferior, quæ lumbos constituit, carne tecta, & a sacco separata. Eidem in sinistro latere adhaeret renis, phaseoli minimi (*Schminckel-Bohnen*) magnitudinis & figurae, uasis suis adhaerentis, simulacrum. Funiculus umbilicalis, sacculus huic intrans, tenuis quidem & flaccidus est, habet tamen duas arterias & unam uenam, quarum istas ex iliacis prodisse, situs & inspectio earum indicat, hæc uero lumborum dextræ regioni superius annectitur, & forsan in uenam cauam, ibi sitam, abiit, quia hepar deficit. Quorsum uero abhinc sanguis, ex placenta huius foetus refluus, abierit, incertum manet. Supra spinam lumborum a sacco separatam, in huius substantia, durities quaedam percipitur, quæ uestigia costarum spuriarum exhibet. Causam huius prauæ formationis, femina ipsa adscripsit terrori, in quem incidit ista, dum a tergo stans, decollati prouidentis, posteriora tantum conspexit. Admirari potius, quam

explicare licet, quomodo in tanta imperfectione, & uiscerum omnium defectu, fœtus ad istam magnitudinem crescere & nutrirî potuerit. De hoc, ne hâriolando quidem, quidquam dicere ualeo, quia hoc monstrum a *B. Parente*, qui istud ultra quinquaginta annos inter rariora sua asseruauit, quale nunc apparet, ad me translatum est.

II. Gallina monstrosa, tribus pedibus instructa.

III. Fœtus leporinus monstrosus bicorporis, octo pedibus præditus.

IV. Pullus anatinus monstrosus, capite & rostro duplici instructus.

V. Pullus Phasianus, uiuus ex ouo extractus, cuius caput, ob rostri superioris defectum, caput felis quodammodo representat.

*Nora.* Dono accepti a Viro generosissimo, ex cuius ore habeo, quod ipse illud integrum in nido Phasiano, pullis recenter exclusis pleno, inuenerit, & pullum adhuc uiuentem, fracta testa, extraxerit. Probabile est, eundem ob defectum rostri testam frangere, & inde prodire non potuisse.

VI. Pullus gallinaceus monstrosus, recenter exclusus, quatuor alis, & totidem pedibus præditus.

VII. Caput fœtus ouilis monstrosum, in fronte, in orbita communi, duos oculos connatos monstrans, sub quibus uestigium nasi apparet, os uero ab hoc distans,

stans, in loco consueto, in extremitate  
rostri uiderur.

VIII. Mures duo albi.

IX. Cor humanum albissimum, ex fœmina,  
diutius carcere detenta, in cuius uentri-  
culis conspiciuntur polypi crassissimi, &  
pedibus longissimis, per truncos uaso-  
rum egredientium, in uita expansis,  
nunc inde propendentibus, præditi.

*Nota.* Laborabat fœmina asthma horrendo, quod ipsi, ex  
urbe proscriptæ, in educatione, singulis gradibus sus-  
focationem, minabatur, & paucis post dies mortem  
afferebat.

X. Vterus humanus, ex fœmina, a quinque  
mensibus grauida, in cuius substantia  
conspiciuntur sinus uenosi, mutuis ana-  
stomosibus inter se communicantes, ex-  
tensione diducti, ut totus uterus spon-  
giosus appareat. In huius superficie in-  
terna hiant cryptæ atque cauernæ, cum  
sinibus istis communicantes.

*Notu.* Vteri huius descriptionem & delineationem uide in  
dissertatione mea de *utero grauido* anno MDCCXXV.  
habita.

XI. Sarcoma insigne, a pudendo muliebri  
resectum, quod uteri inuersi figuram  
quodammodo mentitur.

*Nota.*

*Nota.* Historiam descripsi in dissertatione inaugurali, anno MDCCXXVIII. de hoc *sarcomate* edita, cum adiecta figura.

XII. Polypus nasi, pollicis longitudine & crassitie, e faucibus civis huius urbis, me praesente, forcipe a chirurgo extractus.

*Nota.* Hunc pariter delineare curavi in dissertatione inaugurali, anno MDCCXLIII. de *polypo nasi* conscripta.

XIII. Massa polyposa ramosa & nodosa, nodi Gordii instar inextricabilis, a femina, post tormina ventris, per aluum exclusa.

*Nota.* Huius delineatio uideatur in dicta dissertatione.

XIV. Coagulum polypo sum, eiusdem cum polypo nasi magnitudinis & substantiae, a puella nouem annorum uomitu reiectum.

XV. Membranula tussiendo expectorata.

XVI. Rana minor, a rustico uomitu reiecta.

XVII. Lumbricus ex abscessu in dorso, a chirurgo cum duobus sociis, vivus extractus.

XVIII. Fetus ovilis, in membrana amnii integra, succo amnii innatans.

XIX. Folliculus pinguis, in anseris saginato, iuxta hepar, forte in omento, repertus, ex

ex quo aperto propendent plumae copiosae, ex interna eius superficie enatae.

*Nota.* Huius conspectu, homines, qui anserem mastrarunt, perterriti, veneficii suspicione ducti, illum ad me attulerunt, anseremque comedere avertati sunt.

## XX. Auicula Polonis Remiz dicta.

*Nota.* RZACZYNSKI in *hisp. natur. curios. Polon.* Traët. X. sect. I. no. XLIX. *Auem sic appellamus patri idiomate, quia latinum nomen desideratur, passere minorem, coloris fusci.* De huius nido, uide infra sub numero 38.

## PRAEPARATA ANATOMICA SICCA.

XXI. **F**œtus uitulinus, canis minoris magnitudine, ex utero uaccae exsectus, & per funiculum umbilicalem cera rubra, ad ultimas usque uasorum ramificationes tomentosas, in extremitate pedis, sub ungula, reticula formantes, repletus, unde totus intense rubet.

XXII. Uterus humanus ex femina ad enixum grauida, cera rubra repletus, unde locus imprimis, ubi placenta adhaesit, rubicundissimus.

XXIII. Placenta humana, cum fœtu suo in femina mortua, ex hoc utero extracta,

B

cuius

- cuius arteriae cera rubra, uenae uiridi,  
per funiculum iniecta, sunt repletae.
- XXIV. Uiscera huius infantis, ex thorace  
& abdomine extracta, cum adhaerente  
lingua, iniectione cerae rubrae per fun-  
niculum, praeparata, & in situ naturali  
exiccata.
- XXV. Portio intestini ieiuni ex alio infante,  
recens nato, coccinei coloris, ob uasa  
minima, iniectione cerae rubrae, itidem  
per funiculum facta, repleta.
- XXVI. Portio eiusdem intestini, flatu im-  
misso, distenti & exiccati.
- XXVII. Portio eiusdem intestini, inuersi &  
inflati, ut superficies interior, & in ea tu-  
nica uillosa rubicundissima, oculo arma-  
to examinari queat.
- XXVIII. Caput uituli monstruosum.

*Nota.* Vitulus hic anno MDCCXXVI. in suburbio nostro, a  
uacca editus, adhuc uiuus ad meum domicilium appor-  
tatus fuit, & per aliquot dies uixit, sed quia caput ob  
grauitatem eleuare, & nutrimentum debitum capere  
non potuit, expirauit, & a me publice in Theatro,  
Anatomico dissectus est. Caput istud praegrande,  
superius simplex uidentur, duabus tantum auribus  
praeditum, anterius uero in duo rostra est diuisum.  
Quatuor in eo aderant oculi, quorum duo sub fronte la-  
tiori connati, in orbita communi repositi, duo reliqui in  
uero-

utroque latere unus, siti erant. In ore duplicato duae iidem linguae, sed in radice connatae. In cranio aperto duo quidem cerebra, sed unicum tantum cerebellum, conspiciebantur.

XXIX. Oculi duo huius vituli connati, & in orbita communi repositi, cum musculis utrique propriis, separatis & exiccatis, praeparati.

XXX. Lingua duplex istius vituli, radice unica constans, cum annexa communi larynge & pharynge & unico osse hyoidis, exiccata, musculis utrique linguae propriis existentibus.

XXXI. Caput agnelli recens nati, monstruosum, maxilla inferiori destitutum.

XXXII. Pes feminae, ulcere profundo gangraenoso, cum ossium tarsi carie, anteriorius in ipsa iunctura cum tibia, laborans, supra malleolos resectus.

XXXIII. Extremitas pedis sphacelati, in viro mox post digitos detruncata.

XXXIV. Officula primae phalangae digitorum eiusdem pedis separata, seorsim in vitro asseruata.

XXXV. Sceletum anatis rubicundum, per nutrimentum tinctum.

*Nota.* Huius experimenti prima mentio facta est, in *Transactionibus Philosophicis Societatis Regiae Londinensis n. 442. p. 287. in Schediasmate num 8. An Account of the Bones of Animals, being changed to a Red Colour by Aliment only* By John Belchier, Surgeon, F. R. S & altera num. 443. pag. 299. num. 2. *A further Account of the Bones of Animals being made Red by Aliment only.* By John Belchier, F. R. S. Tinctura haec ossibus conciliatur ope alimenti, cum rubia tinctorum mixti, & animali uiuenti per aliquot tempus esui dati. Notatu dignum est, sola ossa hae tinctura infici, reliquis partibus mollibus penitus immunibus manentibus. Nec minus notabile, colorem rubicundum tantum ossibus conciliari posse. Periculum feci, cum radice curcumaec, itemque orleana, alimento, quo duas columbas per aliquot tempus natriuimus, additis, & speraui, fore, ut ossa colore flauo tincta apparerent, eo magis, quia ossa hominum, ictero confirmato laborantium, eodem colore infecta, reperta fuisse, obseruationes Auctorum fide dignorum confirmant. Sed euentus minime respondit uoto.

XXXVI. Sceleton testudinis.

XXXVII. Sceleton uestertilionis.

ALIA CVRIOSI ET SINGVLARIA.

XXXVIII. **N**idus auis Remiz, cuius mentio supra Num. XX. facta est.

*Nota.* De auicula & nido haec habet ibidem citatus Rzaczynski loc. cit. De illa BONANNI S. I. IN MVSEO KIRCHERIANO refert sequentia. *In Lituania sunt nidi, ex molli lana, prodigiosa arte compacti, in formam rotundi sacculi, seu potius crumenae, efformati a Remis auicula. Haec corpore minima, ingenio tamen maxima,*  
cum



cum insidias serpentum suis timeat pullis, tali arte nidum componit, ut semper ab extremitate alicuius ramusculi, supra decurrentes aquas dependeat, ne serpentes insidiantes sustentare ualeat; atque ut ipsa pullis, ab ouo exclusis, cibum suppeditare possit, foramen relinquit apertum, in eiusdem nidi latere, cui tamen ueluti reclusum, instar suggrundae, imminet, ne aqua de caelo in nidum decidat. In Prouincia Volbinae eiusmodi nidos incolae uenantur, utpote qui catarrho equorum remedium praebent opportunum, si sub eorum naribus comburantur: imo et hominum, si cum lacte decocti applicentur ceruici. Tales nidos receperam ex Lituania &c. Diētis addit B. ALBINUS S. I. in *hif. naturali Bohemiae*, sub Maudicek uerbo, quod auis eiusdem nidus sit mirabilis, ex materia lanuginosa, alba, texto opere, tam angusto superne introitu, ut sola ipsa intrare possit, maior autem quaecunque alia excludatur. Ex lanugine florum, iuxta TYLKOWSKI in *Phys. curios.* nidus conficitur, cuius suffumigio se leuant homines, dum catarrho in faucibus opprimuntur. Curatur & malignitas ulcerum conclusa capite, si fumus saepius aure excipiatur.

XXXIX. Frustum uitri, articuli digiti magnitudine, angulosum, a uitro, inter bibendum fracto, separatum et inopinato deglutitum, demum elapso biennio, oborta febre anomala, scybalo excrementi aluini duriori inclusum, per inferiora redditum.

XL. Cornu ceruinum, trunco arboris ulmi inolitum.

*Nota.* Talia ubiuis fere in magnorum Principum Museis monstrantur, & pro naturae portentis habentur. Sed fraudem

dem subesse, sectione huius trunci, detexi, & in Programmate ad Dissertationem inauguralem *de consensu partium* publicavi, & iterato experimento, in porticu Regia Dresdenfi instituto, confirmaui.

**XLl.** Cornu cerui monstrosum, forma globosa, anno 1672. in sylua Annaburgensi a trunco arboris fagi, cui per radículas, in uestigia uasorum sanguiferorum penetrantes, annexum fuit, resectum.

*Nota.* Huius mentionem feci in Programmate ad Dissertationem inauguralem Ao. MDCCXLIV. edito, & iconem Norimbergam, Commercio literario inferendam, misi.

**XLII.** Cornu ceruinum petrefactum & calcinatione in terra, instar unicornu fossilis, albissimum redditum, quod Ditticherodae prope Rosla, quae sedes est Comitum de Mansfeldt, ad syluam Hercyniam in comitatu Stolbergenfi, nouem ulnarum altitudine sub terra abditum, fodiendo puteum, repertum & erutum est.

*Nota.* Donum hoc pro Museo Regio accepti a Uiro reuerendo, Dn. Johanne *CHRISTOPHORO DEHLEN, Pastore Ditticherodensi*, cum relatione, lingua uernacula ad me missa. In hac describit constitutionem agri istius loci, ubi cornu inuentum est, cuius superius stratum, ulnae crassitie, ex terra nigra, lapidibus intermixta, constat, sub qua, octo ulnarum profunditate, limus purissimus, & adeo homogeneus deprehenditur, ut ne lapillum, nisi magnitudine, in eo reperire liceat. In huius limi fundo latuit istud cornu ceruinum, infra limum uero  
arena

arena glareosa, scaturigines fontis continens, reperta est. Hinc concludit laudatus Uir, non in particulari, aut successiue facta inundatione, cornu istud, uel totum ceruum, tanta profunditate sub terra sepulchrum fuisse, sed a diluuiio potius uniuersali repetendum hoc esse. Ab antiquis enim inde temporibus cornu hoc ibi latuisse, inde constare, quia testibus annalibus, a multis seculis, pagus Ditticherodensis una cum Pastoratu stetit. Hoc saltem cum illo dolemus, non integrum cornu, sed uix dimidium, idque a fossoribus in frustra fractum, eductum fuisse, nec residuum indagari potuisse, propter merum, ne puteo, aut fundamento domus Pastoris, superius proxime huic loco adiacentis, ruina conciliaretur.

**XLIII.** Dimidium uertebrae animalis marini, insignis magnitudinis, sed incertae originis.

*Nota.* Dono accepi a clariss. Doct. Trew. Medico Norimbergensi Ordinario Consil. & Archiar. Onoldino.

**XLIV.** Phiala uitrea, in qua farina fossilis, seu potius marga ex agro Klieckensi, prope Coswigam, Anhaltino-Seruestanam, ex qua uulgus, crescente annona, addito fermento panis, panem coxit.

*Nota.* De hac farina uideri potest Clariss. BRVCKMANNI *Epist. itiner. XV.* de farina fossili, qualis in Saxonia & Silesia reperitur.

**XLV.** Phiala uitrea cum frusto panis, ex hac farina cocti, massae magis calcariae, quam pani, similis.

**XLVI.**

XLVI. Lignum petrefactum, in Thuringia prope Gorslebium, ex Unstruda extractum.

XLVII. Urna Sorabica haud procul a Witteberga, inter pagos Scholiz & Reinhardts, Schmidebergae proxime adiacentes, Anno MDCCXXXVIII. effossa.

XLVIII. Regula, ex dente Hippopotami in Siberia fabricata.

*Nota.* Hanc Petroburgo Russorum acceptam, & duo antecedentia, Museo Regio donavit Clariss. Dn. Doct. WEIDLER. *Mathemat. Superior. in Acad. nostra Prof. Public.*

XLIX. Testa astaci marini maximi, Gummer dicti.

L. Cancer marinus, Tascheu-Krebs, Meer-Krab dictus.

LI. Chela gammari, seu astaci fluuiatilis, monstrosa tridens.

LII. Vitrum, in quo testa oui gallinacei fracta, una cum ouulo minori, quo istud praegnans repertum fuit, in eodem reposito, conspicitur.

LIII. Effigies infantis monstri recens nati, femiaethiopis, tumore in capite, magnitudinem huius superante, pluribusque in pedibus & manibus digitis praediti.

IV. IX

☆ ☆ ☆





U<sup>b</sup> 1229 (Hauptbd. + Appendix)

§ 40

ULB Halle  
002 819 805


3



St.

4









B.I.G.

Farbkarte #13

REGII  
 IN  
 ACADEMIA AD ALBIM  
 MVSEI  
 ANATOMICI  
 AVGVSTEI  
 CATALOGI  
 APPENDIX

CONTINENS  
 ACCESSIONES NOVAS  
 PRAEPARATORVM ANATOMICORVM  
 SICCORVM

ET  
 IN LIQVORE CONSERVATORVM  
 ITEMQVE

VARIORVM MONSTRORVM, SCELETORVM  
 ALIORVMQVE SINGVLARIVM  
 QVIBVS. POST EDITVM CATALOGVM  
 DICTVM MVSEVM

AVCTVM EST  
 CVRA ET OPERA  
 D. ABRAHAMI VATERI  
 FACVLT. MED. IN ACAD. VITEMB. SENIORIS ET PROF. PRIMAR.  
 REGII MVSEI PRAEFECTI.

VITEMBERGAE  
 PROSTAT IN OFFICINA HENNINGIANA.  
 LITERIS SCHEFFLERIANIS.

